



職方典第五百七十七卷

陝西行都司部彙考一

陝西行都司建置沿革考

通志

本司

漢以前爲月支國地武帝始置酒泉武威張掖燉煌四郡屬涼州部晉時張軌據河西爲前涼呂光繼之是爲後涼禿髮烏孤據之爲南涼及李暠遷酒泉號西涼沮渠蒙遜據張掖號北涼後魏平北涼取張掖樂都武威酒泉皆置將守之隋末李軌起兵自稱涼王盡有河西之地唐初尅平之以其地屬河西節度宋金皆爲西夏所有元置甘肅路總管府尋增置宣慰司後改甘肅等處行中書省治於此以統西河諸郡明洪武二十四年置甘肅衛二十六年始置行都指揮使司領衛十二守禦千戶所三

皇清因之

甘州衛

附郭

秦以前爲昆邪王所居地漢武帝開之置張掖郡東漢安帝於屬國都尉別立五城魏晉俱因之南北朝西魏置西涼州尋改爲甘州因州東甘浚山爲名後周置張掖郡隋初廢大業初復置唐爲甘州或爲張掖郡屬隴右道天寶後沒於吐蕃大中五年收復宋爲西夏所據改鎮羣郡宣化府元置甘肅路尋改甘州路明洪武二十四年置甘肅衛二十五年廢尋分置甘州左右中前後中中六衛三十二年廢前後中中三衛永樂二年復置前後二衛並左右中凡五衛爲陝西行都司附郭

皇清因之

永昌衛

漢武威郡地東漢因之三國魏晉以後沿及北涼屬姑臧唐置大斗軍屬涼州宋初爲西涼府地景德初爲西夏李元昊所據元置永昌路明洪武三年改置永昌衛屬陝西行都司

皇清因之

莊浪衛

漢爲允吾縣地屬金城郡晉前涼張氏於此置廣武郡南北朝後魏置廣武縣屬廣武郡隋開  
皇初郡廢改縣曰邑次尋復爲廣武大業初復爲允吾屬武威郡唐初爲涼州地寶應後陷於  
吐蕃宋爲夏元昊所據元至元元年始置莊浪縣屬永昌路明洪武十年改置莊浪衛三十一  
年廢爲莊浪守禦千戶所永樂元年復爲莊浪衛屬陝西行都司

### 皇清因之

#### 涼州衛

漢置武威郡治姑臧縣又於此置涼州三國魏晉並置涼州前涼張軌後涼呂光並據之北涼  
沮渠蒙遜亦遷都於此南北朝後魏亦爲武威郡隋初郡廢大業初復置唐初李軌據之及尅  
平置涼州或爲武威郡屬隴右道天寶末陷於吐蕃大中五年收復宋改爲西涼府後爲夏所  
據元至正四年降西涼府爲州屬永昌路明洪武九年改置涼州衛屬陝西行都司

### 皇清因之

#### 西寧衛

古西羌所居謂之湟中漢武帝遂諸羌渡湟水築令居塞宣帝破先零羌以其地置破羌縣屬金城郡東漢置西平郡晉永嘉末爲禿髮烏孤所據南北朝後魏置鄯州後周改置樂都郡隋初郡廢置鄯州大業初州廢置西平郡唐因之屬隴右道上元後沒於吐蕃宋元符二年收復建爲鄯州隴右節度建中靖國元年棄崇寧三年再復五年改鄯州爲西寧州建炎後沒於金元屬亦集乃路明洪武十九年改置西寧衛宣德八年改置軍民指揮使司屬陝西行都司

皇清因之

山丹衛

漢初爲月氏國地武帝置刪丹縣屬張掖郡東漢獻帝時分屬西郡晉因之南北朝西魏廢西郡後周省弱水縣入刪丹隋屬張掖郡唐屬甘州張掖郡宋爲西夏所據置甘肅軍元至元二十二年升爲山丹州屬亦集乃路明初州廢洪武二十四年置山丹衛屬陝西行都司

皇清因之

肅州衛

漢武帝開置酒泉郡東漢晉皆因之西涼李暠遷都於此南北朝後魏亦爲酒泉郡隋初郡廢置肅州大業初州廢以其地入張掖郡唐復置肅州或爲酒泉郡屬隴右道宋初爲回鶻所據景祐三年元昊侵回鶻取之元置肅州路明洪武二十八年改置肅州衛屬陝西行都司

皇清因之

鎮邊衛

漢武帝置休屠縣北部都尉治屬武威郡東漢因之晉爲後梁呂氏之將楊軌所據宋爲夏元昊所據元爲小河灘城明洪武二十九年始置鎮邊衛三十四年廢永樂元年改置鎮邊千戶所屬永昌衛後復置鎮邊衛屬陝西行都司

皇清因之

鎮彝守禦千戶所

漢爲張掖郡地明洪武三十年置鎮彝守禦千戶所三十三年省永樂改元復置屬陝西行都

司

皇清因之

古浪千戶所

漢爲武威郡地唐嗣聖十八年郭元振爲涼州都督始於武威東南境築和戎城元至元元年置莊浪縣乃於和戎城置巡檢司屬永昌路明正統三年置古浪守禦千戶所屬陝西行都司皇清因之

高臺千戶所

漢爲樂涇縣屬酒泉郡晉前涼張氏置建康郡北涼段業建都於此唐嗣聖初置建康軍屬張掖郡宋爲西夏所據元屬甘州路明洪武初爲高臺站景泰七年始置高臺守禦千戶所屬陝西行都司

皇清因之

陝西行都司疆域考

各衛志合載

本司

東一千一百七十五里至蘭州界 南一千五百七十五里至河州界 西五百七十里

至嘉峪山 北一千五百里至亦集乃 東南一千九百七十五里至河州衛 東北

九百里至魚海子 西南一千五百里至安定衛 西北二千五百里至哈密衛

東北至

京師五千四百里

甘州衛

甘州爲附郭衛也東至山丹衛界八十里 西至撫彝驛一百五十里 南至南山馬營二

百二十里 北至外境一百三十里 東南至大黃山二百五十里 東北至轉嘴墩

一百里 西南至白城子六百里 西北至高臺所一百六十里

永昌衛

衛東南三百一十里爲永昌東至涼州柔遠驛七十里 西至山丹石硤口驛一百一十里

南至雪山一百八十里 北至脫歡山四百里 東南至土魯干山口一百八十里

東北至鎮番衛三百二十里 西南至北石崖一百八十里 西北至山丹衛一百九十里

莊浪衛

衛南九百四十里爲莊浪東南自城至紅城子界三十五里 東北自城至分水嶺平成界四十里 西南自城至羊圈溝通遠界二十里 西北自城至清水武勝界二十二里

涼州衛

衛東南五百里爲涼州東至甯夏中衛板井墩五百九十里 西至永昌衛柔遠鋪九十里 南至西寧衛界野馬川二百里 北至鎮邊衛界三岔河口北墩八十里 東南至古浪一百四十里 東北至馬蓮灘二百里 西南至臧南山一百三十里 西北至永昌一百六十里

西寧衛

衛東南一千三百五十里爲西寧東至合黎山二十五里 南至胭脂堡六十里 西至

鹽池驛四十里 北至毛目頭墩一百九十里 東南至甘州三百里 東北至亦集

乃一千二百里 西南至祁連山三百里 西北至舊威鹵城一百五十里

山丹衛

衛東北一百二十里爲山丹東至永昌衛界一百里 南至雪山一百五十里 北至紅

寺兒山二十五里 西至東樂驛四十里 東南至和寧山口一百四十里 東北至

玉泉墩二百二十里 西南至寧番山口一百五十里 西北至甘峻山三十里

肅州衛

衛西五百一十里爲肅州東至鎮彝所屬鹽池驛一百四十里 西至嘉峪關七十里

南至雪山一百五十里 北至黑山一百八十里 東南至白城子二百五十里 東

北至天倉墩三百二十里 西南至雪山一百八十里 西北至大鉢和寺三百里

鎮邊衛

衛東五百五十里爲鎮邊東至寧夏界沙河六百里 西至永昌衛昌寧堡一百里 南

至涼州三岔河一百三十里

北至亦不刺山二百八十里

東南至莊浪衛四百九十

里 東北至魚海子二百八十里

西南至永昌衛三百二十里

西北至亦集乃一

千二百五十五里

鎮彝守禦千戶所

衛西三百里爲鎮彝東至合黎山二十五里

西至鹽池驛四十里

南至胭脂堡六十

里 北至毛目頭墩一百九十里

東南至甘州三百里

東北至亦集乃湖一千二

百里 西南至祁連山三百里

西北至舊威魯城一百五十里

古浪千戶所

衛東南六百四十里爲古浪東至莊浪衛二百一十里

西至涼州衛一百三十里

南

至黃河四百七十里

北至暖泉哨馬營五十里

東南至黑川二百里

東北至馬

蓮灘三百四十里

西南至巴州五百四十里

西北至鎮邊衛三百四十里

高臺千戶所

衛西一百六十里爲高臺東至撫彝驛六十里 西至黑泉驛六十里 南至番族一百

里 北至外境七十里 東南至雪山一百里 東北至甘州靖安墩八十里 西

南至肅州千人壩一百五十里 西北至鎮彝所一百六十里

形勝附

通志

本司

漢西域傳列西郡據兩關

竇融傳帶河爲固足以自守

甘州志環以祁連合黎之山浸以居延鮮卑之水

涼州志地土饒沃

肅州志河山襟帶

西寧志萬山環抱三峽重圍

陝西行都司星野考

延安府志

司屬總

漢書地理志自井十度至柳三度鶡首之次乃秦之分

後漢書律曆志井十二度至鬼五度爲秦分

晉書天文志自井二十七度至鬼柳鶡火之次屬秦分

陝西行都司山川考

通志

本司 甘州衛附郭

合黎山在都司城北四十里禹貢導弱水至於合黎卽此一名要塗山 馬蹄山在都司城

南一百里山巖石間有神馬足跡在 甘淩山在都司城西南八十里山下有泉味甘冽故

名 人祖山在都司城東北四十里俗名快活山其山不毛 祁連山在都司城西南一

百里山甚峻廣本名天山草木茂美冬溫夏涼下有石井常不竭 普觀寺石洞在都司城

南一百三十里 居延海在都司城西北合黎山峽口傍河東壩曲屈東北行千五百里有

居延海卽此 張掖水在都司城西十里源出擺通川經合黎山名合黎水又名鮮水俗名

黑河水

弱水在都司城西環合黎山東北入東莎界

都潰澗在都司城西九十里

泉之西

蓼泉在都司城西九十里沮渠蒙遜與西涼交戰之處

草湖泉在張掖河岸

數十處生蘆草可收百萬以飼馬

九眼泉在都司城西九十里

永昌衛

南山在衛南二十里俗名照面山

雪山在衛南一百八十里古爲天山其山與涼州南山

連絡

青松山在衛西八十里又名大黃山焉支山蓋一山而連跨數處

脫歡山在衛

北四百里

金山在衛北二十里麗水出焉

炭山在衛東南二十里其山出炭故名

馬蹄山在衛東北二十五里一巨石上有馬跡故名

摩天嶺在衛南七十里

可可水

在衛東南境外

大通水在衛南境

大磨川在衛西二十里一名雲川其源出自鸞鳥

山平羌腦兒都山口以水勢急流能激轉水磨故名考來水注之

蹇占口澗在衛南三十

里其源出自雪山

暖泉在衛西南三十五里二穴湧出四時常溫東北流入水磨川

茅草泉

高泉

矮鹿泉

赤那泉俱在衛北

一碗泉在衛西四十里

鹿泉

在衛西北一百里

莊浪衛

東山在衛東一百里

大小松山在衛東百二十里爲大松山一百里爲小松山多大松

採之可資器用

駱駝山在衛南一百三十里其峯如駱駝故名

蘿蔔山在衛西一百

三十里與雪山相距狀如蘿蔔故名

馬牙山在衛北八十里

石佛山在衛東北三十

里因崖上有石佛像故名

分水嶺在衛西一百五十里嶺嶠有泉分流南爲莊浪水北爲

古浪水

烏稍嶺在衛北一百三十五里路通甘肅雖盛夏風起飛雪彌漫寒氣砭骨

大通水在衛西一百二十里

黑川在衛東一百里

連罕禿泉在衛東三百里許其水

流四時不絕

龍潭池在衛北三十里其池水停不流久旱不涸久澇不溢

一泓泉在

衛東五百四十里俗名一碗泉

黍耙溝水泉在衛西四十里其溝產雜木可爲農器

鑼鍋泉在衛北七十里

沙泉在衛東北八十里

涼州衛

青巖山在衛舊姑臧縣界下有湫甚廣人觸之風雹立至 第五山在衛舊姑臧縣界有清

泉茂林懸崖石室昔爲隱士所居 青山在衛東二百五十里上多松柏冬夏常青故名

松山在衛東三百一十里上多古松因名 天梯山在衛東南八十里山路崎嶇如梯

白嶺山在衛西南山頂冬夏積雪望之皓然故名 車輪山在衛西南九十里山頂高峻有

路盤曲如輪故名 浚稽山在衛舊武威郡 臧南山在衛西南一百二十里上多積雪

西山在衛西二十里中有蓮花峯下有石五色成文如獸形 五澗谷在衛境源自蕃禾古

縣界出流入白海 洪源谷在衛境唐休璟破寇於此 馬蹄溝石洞在衛南三十里山

之陰中周七十步左右二穴貫相通有佛壁 白亭海在衛東北境五澗谷水注之以水

色潔白故名一名小澗端海子 沙水在衛東北五十里其源出自洪水泉至三岔水合而

爲一流入鎮邊衛界 赤彌干川在衛西南五十里 黃羊川在衛東地多水草宜畜牧

故名 瀦野澤在衛東北禹貢至於瀦野卽此亦名休屠澤 天池在衛西南一百餘里

靈泉池在衛治南後梁呂光嘗宴羣臣於此

西寧衛

積石山在衛境廢龍支縣之南卽禹貢導河之所

峽口山在衛東三十里爲湟鄯咽喉地

漢時名湟陜唐人修閣道宋築省章城控制要害

金山在衛西六十里有湫池遇旱禱之

輒應爲西寧望山

南禪山在衛西南三里

北禪山在衛西五里有崖形生成如佛

阿剌古山在衛東一百八十里

雪山在衛南一百里積雪四時不消望之若銀屏焉

熱水山在衛東南五百里南出暖水流入青泉北出冷泉卽西寧水源也

紅崖山在衛東

八十里其土赤因名

小峽口巖在衛東一百里巖中有風每夕風聲號烈

大小石峽

俱在衛東九十里爲大石峽三十里爲小石峽

牛心堆唐李靖伐土谷渾敗其兵於牛心

山卽此

紅崖洞在衛東北一百餘里其洞幽僻奧曲人跡罕到

西海在衛西五百餘

里方數百里漢平帝時卑禾獻西海之地卽此俗呼青海

浩疊水在衛西北一名閣門水

源出塞外東至允吾界入湟水

湟水在衛境宗水注之

西寧水在衛北百步源出熱

水山逕伯顏川至西寧與那孩川合東南五百里流入黃河

蘇木蓮水在衛北山之陰